

四庫全書

經部

欽定四庫全書

三禮圖集注卷十二

宋 聶崇義 撰

匏爵

瓦甒

有蓋

蜃尊

概尊

散尊

大罍

有蓋

大璋瓚

中璋瓚

邊璋瓚

方壺

圓壺

酒壺

蠶

疏勺

蒲勺

爵

觚

解

角

散

觥

豐

櫨

陳饌櫨

禁

覆饌巾

篚
蓋有

筥

大筐

小筐

竹簋方
蓋有

匏爵




匏爵舊圖不載臣崇義案梓人為飲器爵受一升此匏爵既非人功所為臨時取可受一升柄長五六寸者為之祭天地則用匏爵故郊特牲云大報天而主日兆於南郊就陽位也埽地而祭於其質也器用陶匏以象天地之性也孔疏引鄭注破之云觀天下之物無可以稱其德故先燔柴於壇後設正祭於地器用陶尊匏爵而已周禮旒人為簋豆是陶器也士昏禮合卺謂破匏為之即匏爵也又孔疏云祭天無圭瓚酌鬱之禮唯籩薦

禮黃牠鮑豆薦血腥醢醢瓦大瓦甒以盛五齊酌用匏
爵而已其匏爵遍檢三禮經注孔賈疏義及開元禮崔
氏義宗唯言破匏用匏片為爵不見有漆飾之文諸家
禮圖又不圖說但陶匏是太古之器歷夏殷周隨所損
益禮文不墜以至於今其間先儒不言有飾蓋陶者資
火化而就匏乃非人功所為皆貴全素自然以象天地
之性也

鈔定四庫全書


卷十二

瓦甌
有蓋



案郊特牲疏云祭天用瓦大瓦甒盛五齊舊圖云甒甒以瓦為之受五斗口徑一尺脰高二寸大中身銳下平底今依此以黍尺計之脰中橫徑宜八寸腹橫徑一尺二寸底徑六寸自脰下至腹橫徑四寸自腹徑至底徑深八寸乃容五斗之數與瓦大並有蓋

蜃尊



蜃尊概尊散尊阮氏並不圖載此三尊名飾雖殊以義例皆容五斗漆赤中者臣崇義案周禮鬯人云廟用脩音凡山川四方用蜃凡理事用概凡鬻音逼反事用散後

鄭云卣蜃概散皆漆尊畫為蜃形蚌曰含漿尊之象也

卣中尊也謂獻音素何反象之屬然概中尊皆容五斗其蜃

概散等又列於中尊之下與卣同曰漆尊故知皆受五斗今以泰寸之尺計之口徑一尺二寸底徑八寸足高一寸下徑九寸底至口上下中徑一尺五分乃容五斗

之數

此蜃尊既舊無圖載未詳蜃狀有監丞李佐堯
家在湖湘學亦該覽以職分諮訪果得形制

概尊



形制容受如蜃尊臣崇義案鬯人職云凡裸

音埋事用概

後鄭云概漆尊以朱帶者賈義云概尊朱帶玄纁相對

既是黑漆為尊以朱絡腹故名概尊取對概之義也大


宗伯云貍

音埋

沈祭山林川澤後鄭又云祭山林曰貍川


澤曰沈然則貍沈之類皆用概尊

敬尊




形制容受如概尊臣宗義案邕入職云凡醢事用散尊
後鄭云散漆尊無飾曰散賈義云對概蜃獻象等四尊
各有異物為飾言此散尊唯漆而已別無物飾故曰散
大宗伯云醢辜祭四方百物後鄭又云醢醢牲胄也賈
疏云此無正文蓋見當時醢醢牲體者皆從胄臄醢析
之言此醢辜謂披析牲體醢襍及蜡祭也蜡祭百神與
四方百物是其一事如此之類乃用散尊

大罍
有蓋



大壘有益祭社尊也。壘人云：凡祭祀社壇，用大壘。注：大壘，瓦壘也。賈疏云：壇謂委土為壇，壇內作壇而祭也。若三壇同壇之類。此經與封人及大司徒皆云：社壇者，但直見外壇而言也。知大壘是瓦壘者，旌人為瓦，蓋據外神明此壘亦用瓦取質畧之意。

大璋瓚



玉人云大璋九寸射四寸厚寸黃金勺青金外朱中鼻
寸衡四寸有纆注云射剡出者也嚮上謂之出謂剡四
寸半以上其半以下加文飾焉勺謂酒樽中勺也鼻者
勺流也凡流皆為龍口衡古文橫謂勺口徑也周天子
十二年一巡守所過大山川禮敬其神用黃駒以祈

九委反

沈則宗祝先用大璋之勺酌鬱鬯以禮神臣崇義案此
經及疏并阮氏圖並不言三璋各有文飾惟後鄭云大
璋加文飾中璋殺文飾邊璋半文飾但解三璋得名大

中邊之義都不言文飾之物又案易文言曰雲從龍風從虎又聘義說玉之十德其一曰氣如白虹天也言玉之白氣明天之白氣也然則璋瓚既以勺鼻為龍頭其二璋半已下皆宜琢雲氣以為飾其裸圭勺已下亦宜琢鏤雲氣以飾之若祭宗廟王后亞獻即執此璋瓚以裸尸后有故則大宗伯執以亞裸

中璋瓚



中璋九寸其勺口徑亦四寸鼻射寸數外內金飾皆如
大璋其文飾則殺焉天子巡守所過中山川殺牲以祈
反九委沈宗祝亦先用此中璋之勺酌酒以禮其神今案


阮氏梁正圖內三璋之勺及裸圭所說節略多不依經
故後人圖畫皆失形制其圭勺之狀有如書筭者有如
羹魁兩邊有柄者其三璋之勺則並無形狀惟畫勺鼻
為獐犬之首其柄則畫為雉尾皆不盈寸二三紛繆難
以盡言

邊璋瓚




邊璋七寸其勺口徑亦四寸薄鼻射寸數內外金飾朱
中並同於大璋中璋唯文飾半於大璋之飾為別天子
巡守所過小山川殺牲以祈九委反沈則宗祝先以邊璋
之勺酌灌其神三璋之勺形制並同圭瓚但璋勺各短
小耳又舊圖三璋之下雖不言槃有可知矣其制亦同瓚
槃口徑皆可六寸

方壺



舊圖云方壺受一斛腹圓足口皆方案燕禮云司官尊
于東楹之西兩方壺左玄酒東上注云尊方壺為卿大
夫士也臣道直方故設此尊舊圖與下圓壺皆畫雲氣

圓壺




舊圖云圓壺受一斛腹方口足皆圓畫雲氣又燕禮云司宮尊士旅食于門西兩圓壺鄭意以士旅食者用圓壺變於卿大夫用方壺也旅衆也士衆食者未得正祿所謂庶人在官者謂府史胥徒也士大夫以上皆得正祿則王制云下士九人祿中士倍下士上士倍中士下大夫倍上士之等皆是正祿此云未得正祿所謂王制文云庶人在官者其祿以是為差謂府八人祿史七人祿胥六人祿徒五人祿皆非正祿號為士旅食者也

酒壺




舊圖云酒壺受一斛口徑尺足高二寸徑尺反爵著壺
漆赤中有畫飾禮文經注無此形制臣崇義案昭二十
五年公羊傳云齊侯唁公于野井國子執壺漿何休云
壺禮器腹方口圜曰壺反之曰方壺有爵飾蓋此壺也
又疏云謂刻畫爵形以飾壺體今以黍尺計之上下空
徑一尺四寸方橫徑一尺一寸強乃容一斛之數

甕




舊圖云甕以盛醢醢高一尺受二斗案醢人醢人云王
舉則供醢六十甕供醢六十甕致饗餼於賓客之禮供
醢五十甕供醢五十甕是盛醢醢也今以黍寸之尺計
之口徑六寸五分腹徑九寸五分底徑六寸五分之一
尺腹下漸殺六寸

疏勺



舊圖云疏与長三尺四寸受一升漆赤中丹柄端臣崇
義詳此疏与亦宜如疏杙通疏刻畫雲氣飾其柄

蒲勺




舊圖云蒲勺頭如鳧頭明堂位曰周以蒲勺注云疏通刻其頭蒲合蒲如鳧頭今以黍尺計之柄長二尺四寸口縱徑四寸半中央橫徑四寸兩頭橫徑各二寸深一寸受一升挹酒及亞獻以下罍水其龍勺則鬱勺制度皆同此不重出

爵




刻木為之漆赤中爵盡也足也舊圖亦云畫赤雲氣餘
同玉爵之制

觚



舊圖云觚銳下方足漆赤中畫青雲氣通飾其卮又觚者寡也飲當寡少也二升曰觚口徑四寸中深四寸五分底徑二寸六分今圓足下至散皆依秦尺計之

解



欽定四庫全書

三才圖會
卷十二

五

禮器曰尊者舉觶注云三升曰觶口徑五寸中深四寸
強底徑三寸舊圖云凡諸觴皆形同升數則異孔疏云
觶者適也飲當自適

角




舊圖云其制如散孔疏云角觸也不能自適觸罪過也
禮器云卑者舉角注云四升曰角口徑五寸中深五寸
四分底徑三寸又特牲饋食禮曰主人洗角升酌醕尸
注云不用爵者下大夫也

散



舊圖云散似觚孔疏云散者訕也飲不自節為人謗訕也總名曰爵其實曰觴觴者餉也饋餉人也然唯觥不可言觴何者觥罰不敬觥廓也君子有過廓然明著非所以餉也禮器注云五升曰散口徑六寸中深五寸一分強底徑四寸

觥



案詩周南風云我姑酌彼兕觥傳云兕觥角爵也箋云
觥爵爵也孔疏云兕似牛一角青色重千斤以其言兕
必用兕角為之觥者爵名故云角爵毛云兕觥角爵言
其體也鄭言觥爵解其用也言兕表用其角言觥以
顯其爵二者相挾為義焉舊圖云觥大七升以兕角為
之先師說云刻木為之形似兕角蓋無兕者用木也疏
云觥亦五升所以罰不敬又許慎謹案觥罰有過一飲
而盡七升為過多也由此言之則觥是爵觥觥角散之

外別有此器故禮器曰宗廟之祭貴者獻以爵賤者獻以散尊者舉觶卑者舉角特牲二觶二爵四觶一角一散不言觥然則觥之所用正禮所無不在五爵之例

欽定四庫全書


卷十二

豐



舊圖引制度云射罰爵之豐作人形豐國名其君坐酒
亡國載杆以為戒張鎰引鄉射記云司射適堂西命弟
子升設豐注云設以承其爵豐制蓋象豆而卑鄭注鄉
射與燕禮義同以明其不異也制度之說何所據乎且
聖人一獻之禮賓主百拜此其所以備酒禍也豈獨於
射事而以亡國之豐為戒哉恐非也其豐制度一同爵
玷更不別出

櫺



一

二

三

四

五

六

七

八

九

十

十一

十二

十三

十四

十五

十六

十七

十八

十九

二十

二十一


二十二

二十三

二十四


案特牲饋食禮云楹在其南實獸于其上東首注云楹之制如今木輦上有四周下無足獸腊也玉藻云大夫側尊用楹則特牲又用承獸矣舊圖云楹長四尺廣二尺四寸深五寸畫青雲氣菱苕華為飾

陳饌於



舊圖云陳饌於長七尺廣二尺四寸深尺五寸有闌苓
畫青雲氣凌蒼華為飾


禁



舊圖云禁長四尺廣二尺四寸通局足高三寸漆赤中
青雲氣畫菱茗華飾刻其足為褰帷之形禮器云大夫
士於禁孔疏云大夫用於士用禁故玉藻云大夫側尊
用於士側尊用禁是也又鄭注禮器云於斯禁也謂之
於者無足有似於於或因名耳大夫用斯禁士用於禁
或時得與大夫通言於者以其祭神尚厭飫而已又鄉
飲酒云房戶間斯禁注云斯禁禁切地無足者此士大
夫禮謂之斯禁也於斯是舉名故士喪禮云設於于東堂


下特牲注云桼之制如今木輦上有四周無足今大夫
斯禁亦無足似此木輦之桼故周公制禮或因名此斯
禁為桼耳故少牢禮云司宮尊兩甔于房戶間共桼是
周公之時已名斯禁為桼也又注云桼無足禁者酒戒
也大夫去足改名優尊者也若不為之戒然今士禁有
局足高三寸但禮文桼禁相參而有足無足為異

覆饌巾



舊圖云覆饌巾士大夫以緇布縠裏諸侯天子以玄帛
縠裏

篚有盖




舊圖云篚以竹為之長三尺廣一尺深六寸足高三寸
如今小車苓臣崇義又案士冠禮云篚實勺觶角注
云篚竹器如苓者少牢禮亦云勺爵觥觶實于篚又鄉
飲酒記云上篚有三爵初主人獻賓及介又獻衆賓獻
酬訖乃以爵奠于上篚又于上篚取他爵獻工與笙訖
乃奠爵于下篚或有大夫來乃于上篚取大夫爵而獻
大夫訖亦奠于上篚又燕禮及大射說君臣異篚其單
言篚者臣篚也言膳篚者君篚也注云膳篚者君象觥

所饌也此明非獨君篚名膳其觚亦用象飾也又有玉幣之篚又士虞禮有盛食之篚錯於尸左尸飯播餘於篚古者飯用手若吉時食則播餘於蓋又佐食以魚猪肺脊皆實於篚以此言之篚又有蓋也

欽定四庫全書


卷十二

筥



采蘋詩傳曰圓曰筥受半斛主君致饗餼於賓與大夫
上介皆以筥盛米故聘禮云米百筥筥半斛設于中庭
十以為列北上黍粱稻皆二行稷四行是也

大筐



詩采蘋傳曰方曰筐舊圖說筐受五斛案聘禮云大夫
餼賓大牢米八筐注云陳於門外黍粱各二筐稷四筐
上介亦如之衆介皆少牢米六筐注云又無粱也下記
云凡餼大夫黍粱稷筐五斛注云謂大夫餼賓上介也
器寡而大畧也賈疏云上經米八筐米六筐不辨大小
故此記辨之云筐五斛也鄭云器寡而大畧也者以
其君歸饗餼於賓與大夫介米百筥而筥盛半斛是器
小而多也以尊者所致以多器為榮今大夫致禮於賓


介惟八筐六筐而筐盛五斛是器寡而大畧之於卑者也

小筐




舊圖云以竹為之受五斗以盛米或君致饗餼於聘賓
雜管以用之

竹簋方有盖



竹簋方以盛棗栗案聘禮云夫人使下大夫以二竹簋方玄被纁裏有蓋注云竹簋方者器名也以竹為之狀如簋而方如今寒具筯賈疏云凡簋皆用木而圓受斗二升此用竹而方故云如簋而方受亦斗二升如今寒具筯者謂實以冬食故云寒具筯但筯圓而此方以是為異案玉人云案十有二寸棗栗十有二列注云王后勞朝諸侯皆九列聘大夫皆五列則十有二列者勞二王之後也后勞法有玉案并有竹簋方以盛棗栗加於

案上故彼引此為證此謂諸侯夫人勞聘卿大夫故無
案但有竹簋以盛棗栗執之以進



三禮圖集注卷十二

欽定四庫全書

經部

三禮圖集注卷十三至十五

詳校官侍郎臣謝墉

給事中臣溫常綬覆勘

總校官編修臣王燕緒

校對官中書臣宋枋遠

謄錄監生臣李春和

繪圖監生臣孫大儒

欽定四庫全書

三禮圖集注卷十三

斛量

釜

宋 聶崇義 撰

牛鼎

羊鼎

豕鼎

鼎

牛鼎局

羊鼎局

豕鼎局

杞

䟽匕

挑匕

上吐彫反
又音由

畢

鉶鼎

蓋有

鉶杓

洗

洗壘

洗勺

盥盤

上音管

匱

簋

蓋有

簋

蓋有

敦

音對
有蓋

豆

蓋有

籩

登

蓋有

邊巾


椀俎

巖俎

棋俎

房俎

斛



斛者量名也依法制曰嘉量案漢書律歷志云本起於

黃鍾之龠

音籥

以秬黍中者千有二百實其龠十龠為合

十合為升十升為斗十斗為斛五量嘉矣其法用銅欲

取同名所以同天下齊風俗也深尺六寸二分內方尺

而圜其外旁有廐

時彫反量耳

其上為斛其下為斗

其上謂仰斛也

其下謂覆斛謂斛底受一斗

左耳為升右耳為合其狀似爵以廐爵

祿廐散也

圜而函方左一右二陰陽之象也

函音含

其圜象


規其重二鈞

三十斤為鈞

聲中黃鍾始於黃鍾而反覆焉君

制器之象也此與周禮臬氏為鬴法制頗同而容受各別

釜




釜量名容六斗四升曰釜故以所容為名案周禮臬氏為鬴賈疏云謂量金汁入模以為六斗四升之鬴又晏子曰齊舊四量豆區釜鍾四升為豆而四豆為區四區為釜釜十則鍾然則鬴即釜也以金錫為之與鐘鼎同齊謂四分其金而錫居其一深尺內方尺積千寸於今粟米法少二升八十一分升之二十二圜其外謂遶其口而圜之又厚之以為脣耳在旁者而可舉也舊圖釜在畢洗之間都不言所設之由又無尺寸之法但云釜

制度受三斛或云五斛既圖之失處而容受不定未詳
據何制度有三五或說今據經傳明文賈鄭義注庶遵
往式有補將來又案舊圖有釜而無斛但以二量之法
互有異同原始要終相兼乃備故並圖之於前以為諸
器之準案聘禮云飴一牢鼎九設于西階前九鼎者牛
一羊二豕三魚四腊五腸胃同鼎六膚七鮮魚八鮮腊
九設扃冪今謂牛羊豕三鼎有圖各自象其形自魚腊
已下並無其制以其物之細雜無所象故也蓋所用者

常鼎而已又舊圖瑚璉及牟形制容受與簠簋相同且
瑚璉夏殷之禮器其牟在禮記內則是人之用器圖制
既同今畧而不出


鼎 牛



牛鼎受一斛天子飾以黃金諸侯飾以白金今以黍寸之尺計之口徑底徑及深俱一尺三寸三足如牛每足上以牛首飾之羊豕二鼎亦如之此所謂周之禮飾器各以其類之義也

羊鼎受五斗大夫亦以銅為之無飾今謂大夫祭用少
牢故無牛鼎今以黍寸之尺計之口徑底徑俱一尺深
一尺一寸

鼎 豕



豕鼎受三斗口徑底徑皆八寸深九寸彊士以鐵為之
無飾今謂士祭用特牲故無羊鼎或說三牲之鼎俱受
一斛案下有牛羊豕鼎局長短不同鼎宜各異或說非
也

鼎 冪

三

三

三

三


案公食大夫禮云冪者若束若編注云凡鼎冪蓋以茅
為之長則束本短則編其中央此蓋令其緻密不洩氣
也

牛鼎局
羊鼎局
豕鼎局




局以舉鼎鄭注匠人云牛鼎之局長三尺羊鼎之局長二尺五寸豕鼎之局長二尺漆丹兩端各三寸天子以玉飾兩端諸侯以黃金飾兩端亦各三寸丹飾

杔



雜記云杙以桑長三尺注云杙所以載牲體者也喪祭用桑吉則用棘孔䟽引特牲記曰匕也舊圖下別有刻匕是其重也既非法制今亦略而不圖

疏 七



有司云雍人合執貳俎陳于羊俎西並皆西縮覆貳䟽
匕于其上皆縮俎西枋音柄注云䟽匕匕柄有刻飾賈䟽
云以其言䟽是䟽通刻之若䟽屏之類鄭注䟽屏以為
刻畫雲氣蟲獸此唯刻畫雲氣通飾其柄舊圖䟽匕亦
形如飯粟音登以棘為之長二尺四寸葉長八寸博三寸
其柄葉通䟽皆丹漆之案桃匕注云此亦淺升為之通
䟽其葉似矢之矣亦丹淺升并雲氣為是

桃

匕



有司云司馬在羊鼎之東二手執挑音柄七枋音柄以挹音注

于䟽音注云挑謂之敲讀如或舂或枕之枕音字或作

挑者秦人語也注寫也鄭意以䟽音挑音七皆有淺升狀

如飯棗

音


挑長柄可以抒物於器中者也抒音直呂反取也挹也

又引詩或舂或枕今詩枕作掄音箋云舂而抒出之彼

箋此注以抒為取挹兩義無差舊圖挑音漆柄末及淺

升中皆朱柄葉長短廣狹與䟽音同


畢



雜記云畢用桑長三尺刊其柄與末孔疏云主人舉肉之時以畢助主人舉肉也用桑者亦謂喪祭也吉時亦用棘末謂畢义末頭亦刊削之也又特牲禮云宗人執畢先入鄭云畢狀如义蓋為形似畢星故名焉舊圖云葉博三寸中鏤去一寸柄長二尺四寸漆其柄末及兩葉皆朱臣崇義案畢杙二制禮有明文喪祭用桑取其同名表有哀素吉祭用棘取其赤心盡其至敬蓋聖人制禮有以故興物者如此之深也今若以畢杙二物桑

之與棘皆漆而丹之則亡哀素之情遐棄赤心之敬既
無所法實謂不經今亦並圖於右冀擇而用之

鉶鼎



鉶以盛羹受一升口徑六寸有三足足高一寸有兩耳有蓋士以鐵大夫以銅諸侯以白金飾天子以黃金飾舊本無此已上文舊圖云鉶受一斗兩耳三足足高二寸有蓋士

以鐵為之大夫已上以銅為之諸侯飾以白金天子飾以黃金臣崇義案鉶是羹器即鉶鼎也故周禮亨人祭祀則供鉶羹而掌客注云不殺則無鉶鼎又公食大夫禮注云鉶者菜羹和之器故疏引下記牛以藿羊以苦豕以薇是菜和羹也以鉶盛此羹故云之器然則據羹

在鉶則曰鉶羹據器言之則曰鉶鼎據在正鼎之後設之則謂之陪鼎據入庶羞言之則謂之羞鼎其實一也今以黍寸之尺計之其口徑底徑并深皆六寸乃受一斗之數今見祭器中有以木為之者平底無足紅油畫之銅字恐相傳為誤故廣引經文注義鉶鼎施用所在圖之於右凡鉶有𣎵

欽定四庫全書

三
卷十三

柶 劔



醴有柶用角為之鉶有柶用木為之舊圖云柶長尺櫨

博三寸

櫨音葉本又作二寸其醴柶宜為二寸

曲柄長六寸漆赤中及柄

端臣崇義案聘禮云以柶祭醴尚櫨少牢禮云以柶祭

羊鉶遂以祭豕鉶又士冠禮注云柶狀如匕以角為之

滑也今祭鉶之柶既用木亦宜如䟽匕淺升為之方得

挹鉶芼之潛以祭之也

醴柶葉又淺於鉶柶

今案梁阮二氏不辨

醴鉶二柶唯云柶圖為勺形無淺深之語恐失之矣又


公食大夫禮云設四鉶于豆西又曰扱上鉶以柶辯

音編

擣之上鉶之間祭注云扱以柶扱其鉶菜也賈疏云此經有四鉶而扱上鉶辯擣則有一柶優賓故用一柶而已少牢羞兩鉶皆有柶尸扱以柶祭羊鉶豕鉶彼為祭神故宜各有柶也

[illegible]

洗



舊圖云洗高三尺口徑一尺五寸足徑三尺中身小疏
中士以鐵為之大夫已上銅為之諸侯白金飾天子黃
金飾案士冠禮云設洗直于東榮注直當也洗承盥洗
者棄水之器也賈疏云謂盥手洗爵之時恐水穢地以
洗承盥水而棄之也今俗有言洗鼓者臣崇義案禮文
君臣饗燕冠昏喪祭鄉飲鄉射大射賓射之禮臣下設
洗而就洗尸與君尊設洗而不就洗特設盤匱皆無洗
鼓之文蓋見當時之洗有身中甚細者狀如鼂鼓因相

傳為洗鼓又鄭注少牢禮云周之禮飾器各以其類今
既用木為洗以金飾口緣朱中其外油畫水文菱花及
魚以飾之是其類也

洗

壘



案舊圖亦謂之洗壺受一斛口徑一尺脰高五寸侈旁一寸大中身銳下漆赤中元士加青雲氣諸說壺與壘形制相似今以壺言之下不可小謹以黍寸之尺計之口空徑一尺一寸脰高五寸脰中橫徑一尺脰下橫徑一尺腹中橫徑一尺四寸底徑一尺足高三寸下橫徑一尺二寸自脰下至底中央直徑一尺四寸半乃容一石之數又案鄭注儀禮云水器尊卑皆用金壘及大小異賈疏云此亦據漢禮器制度云尊卑皆用金壘及其


大小皆異凡疊洗及酌水之料

注音

同時而設今案儀禮

諸篇士冠士昏禮鄉飲酒與鄉射及特牲禮皆直言水不言疊燕禮與大射雖言疊水並不料少牢司宮設疊水於洗東有料鄭注云凡設水用疊沃盥用料禮在此欲見疊洗料三器唯少牢禮俱有餘文不具之意也

洗 勺



案舊圖云勺五升口徑六寸曲中博三寸長三寸柄長二尺四寸漆赤中柄末亦丹臣崇義案鄭注士冠禮云勺尊升所以斟酒

音俱挹酌也

賈疏引少牢禮云壘料

音彼

料與此勺為一物但彼料所以斟水此勺所以斟酒又案周禮梓人為勺受一升酌之人情依梓人職受一升為是亦宜畫勺頭為龍頭柄依舊圖長二尺四寸自餘制並同鬱勺

盥盤



盥謂用匱沃盥洗手也盤謂承盥洗者棄水之器也故
謂之盥盤舊圖云口徑二尺一寸受二斗漆赤中並不
言深淺之數今以黍寸之尺依此二尺二寸口徑計之
其底徑八寸深二寸乃容二斗之數足高二寸下徑一
尺

匱



匱者盟手澆水之器故孔義云匱似羹魁柄中有道可以沃盥洗手也又公食大夫禮云小臣具盤匱注云君尊不就洗故設盤匱賈疏云知此盤匱為君設者案特牲禮云尸尊不就洗而盥用匱故知此設盤匱亦為君也今開元禮皇帝皇后太子行事皆有盤匱亞獻已下及攝事者皆無盤匱亦君尊設洗而不就洗之義也案梁正張鎰修阮氏等圖云匱受一斗流長六寸漆赤中諸侯以象飾天子以黃金飾皆畫赤雲氣今以黍寸之

尺計之口徑八寸深四寸五分底徑六寸微殺乃容一斗之數流口徑可一寸然圖本又有作流長三寸者案鄭注既夕禮云流匱口也又士虞禮注云流匱吐水口也並不言流口寸數揆之人情流長三寸於義為近但周監二代損益可知當國家沿革之初庶為永式

簠



舊圖云內方外圓曰簋足高二寸漆赤中臣崇義案鄭注地官舍人秋官掌客及禮器云圓曰簋盛黍稷之器有蓋象龜形外圓函方以中規矩天子飾以玉諸侯飾以象又案考工記旒人為簋受一斗二升高一尺厚半寸脣寸又以黍寸之尺較之口徑五寸二分深七寸二分底徑亦五寸二分厚八分足底徑六寸又案賈疏解舍人注云方曰簠圓曰簋皆據外而言也

簠



舊圖云外方內圓曰簠足高二寸挫其四角漆赤中臣崇義案掌客注云簠稻粱器又考工記旒人為簠及豆皆以瓦為之雖不言簠以簠是相將之器亦應制在旒人亦有蓋疏云據祭天地之神尚質器用陶匏而已故郊特牲云器用陶匏以象天地之性也若祭宗廟則皆用木為之今以黍寸之尺計之口圓徑六寸深七寸二分底徑亦五寸二分厚八分足底徑六寸厚半寸脣寸所盛之數及蓋之形制並與簠同

敦



舊圖云敦受一斗二升漆赤中大夫飾口以白金臣崇義案九嬪職云凡祭祀贊玉盥音注云玉盥玉敦也受黍稷器然則天子八簋之外兼用敦也又少牢禮曰主婦執一金敦黍有蓋凡設四敦皆南首注云敦有首者尊器飾也飾象龜形周之禮飾器各以其類賈疏云鄭必知飾象龜形者以其經云敦皆南首明象蟲獸之形以龜有上下甲故知敦蓋象之亦取其類也又司尊彝叙雞鳥虎雉之等梓人職說外骨內骨注鳴旁鳴之類

謂之小蟲之屬以為雕琢刻畫祭器以博庶物是周之

禮飾器各以其類者也又明堂位曰有虞氏之兩敦夏

后氏之四璉殷之六瑚

袁十一年傳杜預以瑚為夏之禮器杜既不信禮記未知別有

何周之八簋鄭注云皆黍稷器制之異同未聞其瑚璉

與牟案諸圖形制既同於簋簋故略而不取其敦今依

孝經緯說與簋簋容受並同上下內外皆圓為異九嬪主


婦贊執有儀故特圖之次於簋簋

豆




舊圖云豆高尺二寸漆赤中大夫已上畫赤雲氣諸侯飾以象天子加玉飾皆謂飾口足也臣崇義案考工記旒人為豆高一尺又鄭注周禮及禮記云豆以木為之受四升口圓徑尺二寸有蓋盛昌本脾析豚拍之醢醢羸兔鴈之醢韭菁芹筍之菹麋鷄之屬鄭注鄉射記云豆宜濡物邊宜乾物故也

簋



臣崇義案鄭注籩人及士虞禮云籩以竹為之口有滕
緣形制如豆亦受四升盛棗栗桃梅菱芡脯脩膾鮑糗
餌之屬有巾案儀禮鄉射脯長尺二寸橫於籩上


登



梁正阮氏圖云登盛渚以瓦為之受斗二升口徑尺二寸足徑尺八寸高二尺四寸小身有蓋似豆狀所記制度並非禮文類之於豆則形制全大比之豐壺又高下相殊既非正經不可依據臣崇義案爾雅云木豆謂之豆竹豆謂之籩瓦豆謂之登大雅生民篇曰于豆于登毛傳云木曰豆瓦曰登其在周禮旒人為瓦豆而實四升高一尺空徑二寸厚半寸又生民傳云豆薦菹醢登盛大羹以其盛渚故有蓋也然則瓦木竹之三豆隨材

造作殊名其制大小無異況此圖以三禮為目梁阮二
氏自題又何捨此正經別資他說貴從典故豈好是非
今依周禮旒人制度為定

邊巾



護巾用絺玄被纁裏圓一幅

杭俎



禮記明堂位曰俎有虞氏以梲鄭注云梲斷木為四足而已孔疏云虞俎名梲梲形足四如案以有虞氏尚質未有餘飾故知但四足如案耳臣崇義又案舊圖云俎長二尺四寸廣尺二寸高一尺漆兩端赤中央黑然則四代之俎其間雖有小異高下長短尺寸漆飾並同

巖俎



案明堂位曰俎夏后氏以𡩿鄭上注云椀始有四足𡩿為之距䟽云以有虞氏尚質但始有四足以夏時漸文𡩿雖似椀而增以橫木為距於足中也故鄭又讀𡩿為𡩿以俎足不正更於足中央以橫木相距象雞有距以距外物也故少牢禮曰腸三胃三皆及俎距是也臣崇義案有虞氏椀俎四足如案自𡩿俎已下皆宜有舟今宗廟之俎皆有舟兩端皆圓足為一法

棋俎



案舊圖云棋殷俎也棋讀曰矩曲撓其足臣崇義案明
堂位曰殷以棋鄭注云棋之言枳棋也謂曲撓之也孔
疏云枳棋之樹其枝多曲撓殷俎足曲撓似之又陸璣
草木疏云棋曲來巢殷俎足似之

房俎



房俎周俎也明堂位曰周以房俎鄭注云房謂足下跗
上下兩間有似於房孔疏云如鄭此言則俎頭各有兩
足足下各別為跗足閒橫者似堂之壁橫下二跗似堂
之東西兩頭各有房也臣崇義又案詩魯頌曰籩豆大
房箋云大房玉飾俎也其制足間有橫下有跗似乎堂
後有房然詩疏云俎大房者以其用玉飾之美大其器
故稱大也知用玉飾者以俎豆相類之物明堂位說周
公之禮云薦用玉豆豆以玉飾明俎亦用玉飾也云其

制足間橫其下有跗以明堂位文差次為然跗上有橫
似於堂上有房故謂之房此說稍長竊見祭器內俎兩
端皆圓其飾亦異唯跗足與距則似此房俎今雖具四
代之俎請擇而用之

三禮圖集注卷十三

欽定四庫全書

三禮圖集注卷十四

宋 聶崇義 撰

雞彝

雞彝舟

鳥彝

斚彝

黃彝

虎彝

雌彝

畫布巾

龍勺

圭瓚

瓚槃

璋瓚

獻尊

阮氏義

獻尊

鄭氏義

象尊

阮氏義

象尊

鄭氏義

著尊

壺尊

太尊

山尊

䟽布巾

玉爵

爵沽

壘有蓋

雞 彛



雞彝受三斗宗廟器盛明水彝者法也言與諸尊為法也臣崇義先覽鄭圖形制如此案舊圖云於六彝之間唯雞鳥虎雉四彝皆云刻木為之其圖乃畫雞鳳虎雉四物之形各於背上負尊皆立一圓器之上其器三足漆赤中如火爐狀雖言容受之數並不說所盛之物今見祭器中有如圖內形狀仍於雞鳳腹下別作鐵脚距立在方板為別如其然則斚彝黃彝二器之上又何特畫禾稼眼目以飾尊乎形制二三皆非典實又案周禮


司尊彝云春祠夏禴裸用雞彝鳥彝後鄭云謂刻而畫之為雞鳳皇之形著於尊上考文審象法制甚明今以泰寸之尺依而計之口圓徑九寸底徑七寸其腹上下空徑高一尺足高二寸下徑八寸其六彝所飾各畫本象雖別其形制容受皆同

雞彝舟




周禮司尊彝云春祠夏禴裸用雞彝鳥彝皆有舟先鄭云尊下臺若今承槃臣崇義先覽鄭圖頗詳制度其舟外漆朱中今以黍寸之尺審而計之槃口圓徑尺四寸其周高厚各半寸槃下刻殺二等而漸大圓局足與槃通高一尺足下空徑橫尺二寸六彝下舟形制皆同其舟足則各隨尊刻畫其類以飾之此舟漆赤中唯局足內青油畫雞為飾制度容受同雞彝用盛鬱鬯

鳥 彝




司尊彝云春祠夏禴裸用雞彝鳥彝謂春夏將祭先於
奏樂降神之後王始以圭瓚酌此鳥彝鬱鬯以獻尸裸
神后亦以璋瓚酌鬱鬯亞裸今二裸並奠於神座經云
鳥彝後鄭以為畫鳳皇形於尊上知鳥是鳳皇者案尚
書君奭云我則鳴鳥不聞彼鳴鳥是鳳皇故知此鳥彝
亦鳳皇也其與舟俱漆並赤中前雞彝與舟欲見法度
故圖之異處自鳥彝已下尊與舟相連圖之貴省略也

單 彝



罽毼盛明水先鄭讀罽為稼謂畫禾稼於尊因為尊名
然則宜畫嘉禾以為飾其彝與舟並漆赤中其局足內
亦漆畫禾稼為飾

黃 彝



黃彝盛鬱鬯司尊彝云秋嘗冬烝裸用鬯彝黃彝皆有
舟王以圭瓚酌獻尸禮神后以璋瓚亞獻後鄭云黃彝
謂黃目以黃金為目也郊特牲曰黃目鬱氣之上尊也
黃者中也目者氣之清明者也言酌於中而清明於外
也其彝與舟並以金漆通漆

虎 彝




虎彝畫虎於尊盛明水其尊與舟並漆赤中其局足內
亦漆及畫虎為飾舊圖形制既非鄭義今亦不取於雞
彝下已有解說

蚩 彝



雌彘盛鬱鬯司尊彘云追享朝享裸用虎彘雌彘皆有
舟王亦以圭瓚酌鬱鬯以獻尸禮神后亦以璋瓚亞獻
其形制亦與圖不同已在上解其彘與舟皆漆赤中其
局足內亦漆畫雌以為飾案爾雅云雌印鼻而長尾郭
云雌似獼猴而大黃黑色尾長數尺似獼尾末有歧鼻
露向上雨即自縣於樹以尾塞鼻或以兩指江東人亦
取養之為物捷健

畫布巾



案天官冪人云以畫布巾冪六彝後鄭云宗廟尚文故用畫布賈疏云畫者畫五色雲氣也宗廟六彝盛鬱鬯以畫布冪之宗廟亦有八尊亦用畫布冪之案舊圖說籩中云圓一幅則不言幅之廣狹王制孔疏云布幅廣二尺二寸帛幅廣二尺四寸此畫布當用二尺二寸之幅而亦圓也案少牢禮凡尊皆有蓋冪

龍 勺



舊圖云柄長二尺四寸受五升士大夫漆赤中諸侯以白金飾天子以黃金飾臣崇義謹案周禮梓人云勺一升爵一升注云勺酌尊升也又明堂位曰夏后氏以龍勺注云為龍頭今以泰寸之尺計之柄長尺二寸口縱徑四寸半中央橫徑四寸兩頭橫徑各二寸又師儒相傳皆以刻勺頭為龍頭狀又案阮氏圖說蒲勺頭如鳧頭即知龍勺頭亦如龍頭明矣但以今圖與祭器內無此勺形故特圖於右用挹六彝之鬱鬯以注圭瓚

圭 瓚



玉人云裸圭尺有二寸有瓚以祀廟後鄭云裸謂以圭瓚酌鬱鬯以獻尸也瓚如槃大五升口徑八寸深二寸其柄用圭有流前注流謂鼻也故下注云鼻与流也凡流皆為龍口又案大雅旱麓箋云圭瓚之狀以圭為柄黃金為与青金為外朱中央凡圭博三寸又肆師職云大祀用玉帛牲牷次祀用牲幣小祀用牲後鄭云大祀天地宗廟臣崇義謹詳疏義自蒼璧以禮昊天至此圭瓚以祀宗廟於禮神玉帛牲牷之外別有燔瘞玉帛牲


體其日月星辰社稷但有禮神之玉無燔瘞之玉也其
宗廟雖在大祀惟說裸圭以禮神亦無所燔之玉今案
諸家禮圖並無此說故形制差誤然圭柄金勺旣異其
牝牡相合處長可三寸厚一寸博二寸半流道空徑可
五分其下三璋之勺皆類此

槃 瓚



典瑞注云漢禮瓚大五升口徑八寸下有槃口徑一尺
臣崇義詳此注雖言槃口徑尺寸遍檢周禮正經及早
麓之詩箋注並不說槃之材飾今案玉府云若合諸侯
則供朱槃玉敦注云敦槃珠以為飾疏云此槃敦應以
木為之用珠玉為飾耳然則此瓚下之槃亦宜用黃金
青金為外朱中央圭瓚既深二寸此槃宜深一寸足徑
八寸高二寸

璋璚



璋瓚者皇后酌鬱鬯獻尸禮神之器也其制一同圭瓚但用璋為柄器差小耳故司尊彝注云裸謂以圭瓚酌鬱鬯始獻尸也后於是以璋瓚酌亞裸是此璋瓚口徑亦四寸深二寸柄長九寸其下亦宜有槃口徑六寸深一寸足高一寸徑四寸一如圭瓚槃形制

獻尊
鄭

獻尊
阮




案明堂位云獻象周尊也司尊彝云春祠夏禴其朝踐用兩獻尊一盛玄酒一盛醴齊王以玉爵酌醴齊以獻尸也禮器曰廟堂之上犧尊在西注云犧周禮作獻又詩頌毛傳說用沙羽以飾尊然則毛鄭獻沙二字讀與婆娑之娑義同皆謂刻鳳皇之象於尊其形婆娑然又詩傳䟽說王肅注禮以犧象二尊並全刻牛象之形鑿背為尊今見祭器內有作牛象之形背上各刻蓮華座又與尊不相連比與王義大同而小異案阮氏圖其犧

尊飾以牛又云諸侯飾口以象骨天子飾以玉其圖中
形制亦於尊上畫牛為飾則與王肅所說全殊揆之人
情可為一法今與鄭義並圖於右請擇而用之

象尊
鄭




象尊
阮




周禮司尊彝云春祠夏禴其再獻用兩象尊一盛玄酒
一盛盎齊王以玉爵酌獻尸後鄭云象尊以象骨飾尊
梁正阮氏則以畫象飾尊今並圖於右亦請擇而用之

著尊




著尊受五斗漆赤中舊圖有朱帶者與概尊相涉恐非其制周禮司尊彝云秋嘗冬烝其朝獻用兩著尊一盛玄酒一盛醴齊王以玉爵酌獻尸明堂位曰著殷尊也注云著著地無足今以黍寸之尺計之口圓徑一尺二寸底徑八寸上下空徑一尺五分與獻尊象尊形制容受並同但無足及飾耳

壺尊



壺尊受五斗周禮司尊彝云秋嘗冬烝其饋獻用兩壺
尊一盛玄酒一盛盎齊王以玉爵酌獻尸注云壺尊以
壺為尊也左傳曰尊以魯壺今以黍寸之尺計之口圓
徑八寸脰高二寸中徑六寸半脰下橫徑八寸腹下橫
徑一尺一寸底徑八寸腹上下空徑一尺二寸足高二
寸下橫徑九寸漆赤中舊圖文略制度之法無聞六尊
用同盛受之數難異

太尊




金
大尊受五斗周禮司尊彝云追享朝享其朝踐用兩太
尊一盛玄酒一盛醴齊王用玉爵酌醴齊獻尸注云太
尊太古之瓦尊也明堂位曰泰有虞氏之尊也今以黍
寸之尺計之口圓徑一尺脰高三寸中橫徑九寸脰下
大橫徑一尺二寸底徑八寸腹上下空徑一尺五分厚
半寸脣寸底平厚寸與瓦甒形制容受皆同

山尊



山尊受五斗周禮司尊彝云追享朝享其再獻用兩山尊一盛玄酒一盛盎齊王用玉爵酌盎齊以獻尸注云山尊山壘也明堂位曰山壘夏后氏之尊亦刻而畫之為山雲之形今以黍寸之尺計之口圓徑九寸腹高三寸中橫徑八寸脰下大橫徑尺二寸底徑八寸腹上下空徑一尺五分足高二寸下徑九寸知受五斗者案鄭璞云壘形似壺大者受一斛今山壘既在中尊之列受受五斗可知也

疏布巾



祭天地以䟽布巾冪八尊後鄭注冪人云以巾覆物曰冪天地之神尚質故用䟽布巾也賈義云天地無裸唯有五齊三酒實於八尊此據正尊而言若五齊加明水三酒加玄酒則十六尊皆以䟽布冪之天地雖無鬱鬯之彝亦用䟽布冪之其四望山川社稷林澤亦用䟽布是尚質也此巾亦用二尺二寸之幅而圓也禮冪巾有用絺綌者至於帨巾亦用布今唐禮亦用布或羅絹而已

玉爵



太宰職云享先王贊玉爵後鄭云宗廟獻用玉爵受一升今以黍寸之尺校之口徑四寸底徑二寸上下徑二寸二分圓足案梁正阮氏圖云爵尾長六寸博二寸傳翼方足漆赤中畫赤雲氣此非宗廟獻尸之爵也今見祭器內有刻木為雀形腹下別以鐵作脚距立在方板一同雞彝鳥彝之狀亦失之矣臣崇義案漢書律歷志說斛之制口足皆圓有兩耳而云其狀似爵又案士虞禮云賓長洗纁爵三獻尸鄭云纁爵口足之間有篆飾

今取律歷志嘉量之說原康成解纒爵之言圖此爵形
近得其實而況前代垂範觀象以制器服義非一揆或
假名全畫其物或取類半刻其形則雞鳥已下六彝禕
褕上音揮下音搖青素二質是全畫其物著於服器者也玉爵
柄尺之類龍勺蒲勺之倫是半刻其形飾於器皿以類
取名者也以此而言犧象二尊自然畫飾至於夏之九
鼎鑄以象物取其名義亦斯類也

爵
占




坫以致爵亦以承尊若施於燕射之禮則曰坫

音豐賈義

云今諸經承尊爵之器不用本字之坫皆用豐年之豐從豆為形以曲為聲也何者以其時和年豐穀豆多有粢盛豐備神歆其祀人受其福也故後鄭注云豐似豆而卑都斲一木為之口圓微侈徑尺二寸其周高厚俱八分中央直者與周通高八寸橫徑八寸足高二寸下徑尺四寸漆赤中畫赤雲氣亦隨爵為飾今祭器內無此豐坫或致爵於俎上故圖之於右請置用之

田
畝



案司尊彝職云春祠夏禴裸用雞彝鳥彝皆有舟

六彝皆受

三朝踐用兩獻尊

音素何反六尊皆受五斗

諸臣之所酢也張鎰引

阮氏圖云瓦為之受五斗赤雲氣畫山文大中身銳平

底有蓋張鎰指此瓦壘為諸臣所酢之壘誤之甚矣此

瓦壘正謂祭社之太壘也又開元禮云宗廟春夏每室

雞彝一鳥彝一犧尊二象尊二山壘二但於壘上加一

山字並不言容受之數案周禮六尊之下唯言皆有壘

並無山壘瓦壘之名又不知張鎰等各何依據指此山

瓦二罍以為諸臣所酢者也況此六罍廁在六尊之間以盛三酒比於六尊設之稍遠案禮記以少為貴則近者小而遠者大則此罍不得容五斗也又爾雅釋器云彝卣罍器也郭璞云皆盛酒尊又曰小罍謂之坎注云罍形似壺大者一斛又曰卣中尊也此欲見彝為上尊罍為下尊也然則六彝為上受三斗六尊為中受五斗六罍為下受一斛是其差也案詩周南風我姑酌彼金罍孔疏毛傳指此諸臣所酢之罍而受一石者也又引

禮圖依制度刻木為之又鄭注司尊彝云壘刻而畫之為山雲之形既言刻畫則用木矣又引韓詩說士用梓無飾言其木體則士已上同用梓而加飾耳又毛以金壘大一石禮圖亦云大一斛毛說諸臣之所酢與周禮同天子用黃金為飾今據孔賈疏義毛鄭傳注此壘用木不用瓦受一石非五斗明矣謹以黍寸之尺依而計之口徑九寸五分脰高三寸中徑七寸五分脰下橫徑九寸底徑九寸腹中橫徑一尺四寸上下中徑一尺六

寸足高二寸下徑一尺畫山雲之形

三禮圖集注卷十四